



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Et Vtilis Commentarivs In Priorem Epistolam Pauli
ad Corinthios, & in aliquot capita secundæ**

Melanchthon, Philipp

Vitebergæ, 1561

VD16 M 2618

Tentatio vos non apprehendit, nisi humana.

urn:nbn:de:hbz:466:1-36296

I. EPISTOLA AD

rorum, & non sunt extenuandi sanctorum lapsus, Sed potius doctrina tota de poenitentia cognoscenda & exercenda est.

Quod autem in aliquibus, qui in fidei habuerunt, & postea lapsi non redeunt, fides illa, priusquam excutitur, uera sit, dictum Petri testatur 2. Pet: 2. Illecebris capiunt eos, qui uerè effugerant, τῶν ὄντων ἀποφυγόντας. Item, Cum enim hi, qui effugerant contaminationes mundi in agnitione Domini & seruatoris Iesu Christi, rursus h̄isdem implicati succumbunt, fiunt eis postrema deteriora prioribus.

Et Matth: 12. Dominus expressè dicit, expulsus fuisse immundum Spiritum, & domum purgatam & ornatam. Hac de uere iustificato dici, non dubium est. Et Saul uerè iustus fuit, quia Textus dicit Spiritus Domini recessit à Saul. Nec tales dicerentur lapsi, si nunquam iusti fuissent. Hac breui admonitione hoc loco contenti sumus.

πειρασμὸς ὑμᾶς οὐκ εἰληφὲρ, εἰ μὴ
ἀνθρώπινος.

Tentatio vos non apprehendit, nisi humana.

AN

ANtiſeſis cogitetur tentationis hu-
manæ & diabolicæ. Ac mitigat Pau-
lus obiurgationem Corinthiorum, ut eos
conſoletur, ne fracti desperatione prorsus
à Deo deficiant.

Quamquam autem erat atrox pecca-
tum, quod supra recitauit de incesto, qui
cum Nouerca consuetudinem habuit, &
alii alia peccata admiserant, certabant æ-
mulatione & odijs: tamen uult hæc pec-
cata discerni à blasphemijs, sicut Iohannes
discernit peccata ad mortem, à peccatis
non ad mortem.

Tentatio Diabolica est, quando Sata-
nas in cor ingreditur, uel, sicut in Luca di-
citur, quando Satanas rapit Verbum Dei
ex corde hominis, ut Epicureus contem-
ptus Dei, ut in Rhapsace, aut odium & ira
aduersus Deum, ut in Saule, seu oppugna-
tio ueritatis, seu rabiosa propugnatio im-
pii dogmatis. Tales fuerunt tentationes
Cain, Saul, Iudæ, Samosatani, Arii, & si-
milium, accensæ Diabolo impellente men-
tes, & confirmante tenebras, & sicut de Iu-
da scriptum est, Diabolo ingresso in cor-
da eorum.

Etsi autem hoc ingens malum non

G 3 cora-

I. EPISTOLA AD

comprehendi potest iudicio rationis, quanta miseria sit, dominari Diabolum in corde hominis: tamen cum manifesta sint dicta in narrationibus Prophetis & Apostolicis, expauescant omnes homines, cogitatione tanti mali, & petant, ut filius Dei depellat Diabolos, iuxta illud dictum: Nemo rapiet oves meas ex manibus meis.

Tentatio humana est dubitatio, vel error uel lapsus ab humana infirmitate ortus, nondum ita confirmato furore, ut mens sit Epicurea, aut accedat persecutio agnitæ ueritatis aut odium Dei. Valde tristis lapsus fuit Dauidis, & Diabolum non leuiter insidiatus est, sed tamen non potuit eum impellere ad Epicureum contemptum uel odium Dei, ut Saulem impulit.

Fortassis intuetur Paulus in hac ipsa descriptione discrimen primi sceleris Diaboli, & primi lapsus hominum. Scelus Diaboli fuit blasphemia, quia cum propius nosset Deum, & non aliunde impelleretur, suo consilio & arbitrio superbe contempsit Deum & filium Dei.

Sed primi parentes aliunde impulsos ceciderunt.

Et si autem hominibus ualdē difficile est ista dijudicare, tamen ut cunq; discrimen considerandum est, & cogitandum, quā uarij et horrendi lapsus sint sanabiles & insanabiles, & excitandæ mentes sunt ad timorem Dei, & ad inuocationem, sicut præcipit Petrus: Sobrii estote, & uigilate, quia aduersarius uester Diabolus, tanq; Leo rugiens circumit, quærens quem deuoret, cui resistite fortes in Fide,

πιστὸς δὲ ὁ Θεὸς ὃς οὐκ ἐλάσσει.

Fidelis autem Deus est, qui non sinit, &c.

ANtea tradidit seuerissimam admonitionem, ut simus uigilantes, & illecebris cupiditatum ac Diabolo repugnemus. Nunc consolationem de protectione diuina, & auxilio Dei addit. Et est argumentum à possibili: Cum & debeatis & possitis repugnare prauis illecebris, non sitis ignaui. Potestis autem uincere, quia Deus & pericula maiora arcet, & uobis in uestris certaminib; opitulatur. Ideo inquit: *Fidelis Deus, qui non sinit uos ten-*

G 4 tari,